

吳文可葯房樵唱



葯房樵唱序

序曰葯房樵唱者吳公文可所著之詩也夫詩在堪輿間無纖弗圓無巨弗涵太極陰陽之化物則民彝之懿烟風月露之形河山草木之昭氣候燠寒更毛羽鱗介之蕃治亂興亡之著夭壽死生之變可疑可有可悅可愕可感可慨外觸乎物內發乎情至而形于言形而比于聲成而詩生焉譬之氣至簧鼓神合自然機搖弩發道契冲漠上自王公卿士下逮小大編



氓率藻暢于襟靈一導揚于隱伏大而朝會燕  
饗被之弦歌小而妾卷深閨見諸譎諫雖位號  
之或殊而帝衷之無異商之周之隆斯義為盛  
漢魏以來古以意漸削下沿唐宋之間而得之  
者蓋鮮矣於是吳趨楚豔而哇淫之味泊為牛  
鬼蛇神而誕幻之事彰為霆飛霰擲而粗厲之  
文布為胡喚梵吟而忽荒之趣見為儉言粵語  
而俚鄙之褻形為鴛支蝶卉而留連之思滯焉  
詩道亦幾乎熄矣公嘗與濂劇論至斯為之彈

指三嘆蓋公以雄逸之資濟通明之識著於篇  
翰規倣風雅鼓動江山之氣發揮造化之微味  
玄酒于周廷襲懸黎於梁苑雕龍彩鳳不足為  
之麗衝颿激浪不足為之豪其凄惋也則孤猿  
夜號松露初滴其雅馴也則冠冕佩玉儼趨廊  
廟由其才無不兼所以體無不備世之讀者如  
入玄圃而攬明月木難之珍如登崑丘而觀尺  
木肉芝之貴誠可謂擅名制作之林競爽藝文  
之場者已如濂不敏年踰四袞學廢三餘精神

遐漂無永寧之夢金石相宣之荆潭之情景伯  
之古徒存文通之筆已失頽念疇昔獲陪杖屨  
濯纓雙溪之側漱齒靈源之上攀蘿月之以夷  
猶撫黏雲而舒嘯公時吞吐群機陶鎔庶彙珠  
玉隨風水雪在口人爭傳於秀句價欲等於兼  
金奈何稍歷星霜遽分今古雖瀛西之室遺跡  
未寒而遼東之鶴一去不返尚忍言哉尚忍言  
哉公之子履與其門人黃琪編輯遺藁缺之文  
梓乃綠世契之深遠以首簡為屬嗟夫玉光劍

氣直出人間麟角鳳毛終為世瑞蕭功曹之新  
章不泯李奉常之妙什宜傳此理之常無足疑  
者第以疾相仍文藻哀落無義山之雅製序漫  
叟之雄篇姑綴蕪辭以信微臆云爾公諱宗奎  
文可字也葵之蘭谿人群行存諸別傳履博學  
善屬文尤精於詩無忝於公者也至止十八  
年歲次戊戌三月己亥朔契家姪金華宋濂謹  
序

葯房樵唱序終

葯房樵唱目錄

第一卷

五言古風

秋夜讀書感懷

喻鳩

采菊

七言古風

擬李長吉十二月樂辭 并閏月

送日者黃學海歸江西

葯房樵唱目錄

故園多海棠其一樹大數十圍樹頂一枝  
如雪白因賦

五十自訟示同志

中秋對月

鵲有媒

癸未春留錢唐巨可大家六月可大歿明  
年移家臨平余將東歸因賦此寫懷

徐仙卿歌

五言律詩

旅夜二

過臨平

和韻秋日述懷簡李克明

病起二首

得家書二首

漫興

挽汪元明

四月二日二首

存歿

茅屋

秋興

七言律詩

寄題天台楊道士素軒

同劉學錄登台州古城

登台州中山

風雨赤城旅夜書懷

哭鄭伯容

永嘉天趣幼子

送錢思復進士赴會試

和洞霄宮丹泉酒韻

桐灘月下舟中聞琵琶

寄括蒼劉學錄

勉童良仲入京

蘆花褥

寓錢唐寄呈元禮叔父

寄舍弟綺

奉送浙江省危宰即中除湖廣

奉送浙省都事納文郁除湖廣

錢唐旅舍贈暉東陽和尚

暉音輝

夢仙

錢唐三茅觀古梅五代時所植至正辛巳

毀於火次韻

寄洞霄宮史玄圃真人

寫懷

望江亭懷古

過護國寺

壽開元宮王眉叟真人

晚霽

至邵存存菴文叔兄尹舜卿舍弟景參不

期而會遂同宿菴中時何仲畏留吳博

士宅恨不合并也

宿存存菴

送葉鍊師

第二卷

觀文叔兄續脩潘氏清譜有感

文叔和韻

和韻春日二首

山中訪唐隱居三首

春思

歲暮歸自錢唐宿玄真道院

過趙敬德別業

奉謝暉東陽見貺白葛水源茶百丈諸石

刻墨本二暉音暉

喜怯烈失監州重建東峰亭

和韻趙敬德雜興四首

丹和

寄蘇伯夔

唐寅四月廿八日禪傍成

宿存存菴聞文叔兄有會晤之期

垂虹橋

姑蘓臺

舟次丹陽

鳳凰臺

和韻會揚生 會音荅

奉呈劉御史

荅蔣山寶公塔下高閣

六朝遺迹

留別巨生二首

至吳仲毅投家書就假張應奉天香集

錢思復所賦靈槎集舊嘗錄遺後十年失

其本藁思復以詩來徵用韻奉荅

因葺山中故廬有感

夏夜山中偶成

自山中歸鑑湖別業

同劉伯善賦覺慈寺玉壺冰泉

春波魚者二首

夜坐感懷

荅吳濬仲

旅夜對月有懷尹舜卿

呈文叔兄

寄錢良貴

寄琳上人

寄江君逸

歸故居

夢鄭詔道

香溪解纜

知己

寄潘彥實

草堂訪惲東陽不值是夕同胡太常宿大

桐方丈用太常韻奉呈并簡東陽

下次韻答錢思復并簡呂彥夫

送張伯翔

閒居

題鮮于伯機書桃源詩

寄吳孟思

送人北歸

寄徐景傳

寄題衛立本具慶堂

風雨途中遇羅主簿杖履歸北山

送張道士

六十

次韻答友人

辛卯冬

挽惲東陽

寒食

自警

閏月書事

遊紫巖寺

自山中歸

築城

第三卷

奉簡吳濬仲避地紫岩山

寄唐公弼

暑夜對月

夢惲東陽

夜宿葉孟咨書樓

次韻過表忠觀

秋興三首

席上即事

垂老有懷葉景翰范景先胡仲申

中秋

月夜懷友

次韻憶錢唐二首

御史登城南閱武亭

喜聞太傅右丞相出師平寇

癸巳歲二月壬子日晴

寒食

三月七日

荅勝上人

胡太常錄寄黃侍講詩二首見示因次韻

次韻張子恭督兵衢州二首

中秋二首

次韻美老左丞總戎有功

美楊志誠

建德同知蒼巖公以平寇陞總管

病中許存禮葉孟咨見訪示桃巖詩因次

韵

七言絕句

寒食二首

舊遊

偶成

雜詠六首

赤松

送黃鍊師絕句二首

泊臨口

龍飛亭

春日禠詠絕句三首

山水小景

登碧雲蒼雪樓有感

題小景

題太真睡起圖

夜雪

寄江貫之

戲簡東江君逸清明日移家

代仲吟絕句十首

樂府

滿江紅 歸故居 荅楊潤之

最高樓 寄謝國芳

滿庭芳 己卯七月十一日得穎

念奴嬌 寄蕭善之

大江東 壽惲東陽 丁亥正月十三日生推  
命者以丙戌笑因戲及之

疎影 為劉架閣賦贈妓者

沁園春 贈鄭伯洪

滿江紅 天台道中

唐多令 雪

桂枝香 楊潤之得家書

洞仙歌

葯房樵唱目錄終

葯房樵唱目錄

葯房樵唱卷之一

門人黃琪編輯

蘭谿吳景奎著

六世族孫吳禧重刊

五言古風

秋夜讀書感懷

宵中風雨除明蟾  
界心房秋堂湛虛白  
飛露生浮涼夜氣  
之所存澹然可慮  
忘短檠對方冊一  
覽思五行注目  
曾未久玄花眩幽  
光瞳子罹哀酸感  
額攢清揚憤嫌書

字細頻挑燈燼長遠睇覺整明迫觀愈微茫掩卷重太  
息驚心怛中腸

喻鳩

東村五畝園荒穢久不治荷鋤種豆苗愛此膏土肥森  
然已甲拆保之若嬰兒群鳩競拂羽俛啄思無遺傍麾  
雖稍却投間復在茲一啄不汝惜再啄苗已稀剗我心  
上肉充汝腸中飢汝饑誠可憐增嫩那忍施桑林正沃  
若桑椹方垂<sub>々</sub>椹熟可醉飽林深無危機恩怨從此釋  
斯園勿重窺鳩鳴對心臆羣然亦高飛

采菊

爽氣浮西山風煙澹原隰悠然出衡門佳節逢九日衆  
草萋以青黃菊正秋色採之不盈把妙意良自得謂能  
制顏齡可泛忘憂物驩言命壺觴萬事付酣適永懷東  
籬人俛仰已陳迹

七言古風

擬李長吉十二月樂辭

并閏月

正月

麴塵絲拂晴波暖霽靄空蒙燒痕淺含章宮中萬玉妃

粉花點額芳霏，條風東來初解凍。蝴蝶吹醒花底夢。  
翠鬟梳罷玉纖寒，綵燕銜春上金鳳。

二月

青皇宮中花鳥使，沓翠霏紅教鶯語移春檻。小度芳華  
金犢車輕載歌舞曲房夢，漸章臺月東風不解丁香結。  
鑰魚夜守倉琅根，海棠飛落曉脂雪。

三月

紫簫吹月梨花老，碧雲冉冉迷花草。藥欄蘭粟怯春寒，  
翠帳流蘇護鶯曉。麗人一去音塵杳，淚洒紅綃怨青鳥。

新蒲細柳自年年，曲江流浪波聲小

四月

輕紅流煙香雨足，新槐影轉拘欄曲。水晶簾箔度薰風，  
黃吻烏衣語華屋。涼簪墜髮初破睡，粉痕淺護脣蛾綠。  
並禽不受雕籠宿，背人飛向荷陰浴。

五月

網軒綠艾懸飛虎，菖蒲花青海榴吐。江蛾倚竹弄湘絃，  
調笑懷沙怨蘭杜。南薰生涼紈扇薄，雕俎瑤觴勸卽酌。  
絲索光浮繫臂紗，守宮紅暎黃金酌。

六月

水山瓏瑤間瑤席水拍銀盤漱寒碧象床湘簟含風漪  
漪膩香粉汗霑凝脂赤帝啾々火龍老琪樹西風轉昏  
曉

七月

鳳凰枝頭一葉飛碧疏朱綴生涼颺素紈團々思愛衰  
含宮嚙羽吹參差瑤階露華霑履綦星橋月悵愁別離  
粉蓮歡咲占蛛絲

八月

蘋風夕起涼思多新愁舊恨生濃蛾雲兜鷓鴣返故國  
瑤階絡緯鳴寒莎銅仙泓々泣零露銀灣漾々吹涼波  
素娥徘徊白鸞舞廣庭老樹今如何

九月

黃金花開香滿把烟荒臺誰戲馬楚雲櫛々鴈西流秋  
色悽人止瀟洒淚花菽々啼新愁纏絃五色彈篁篋室  
香不暖茱萸帳明月空過翡翠樓

草

十月

小春一花西月黃縞衣美人吹暗香錦衾羅薦曉寒薄

夢中持贈雙明璫霜花莫洒相思樹愁殺孤棲金鳳凰  
十一月

八姨手折擗桑枝海天凍合青玻璃瓊樓仙人喚滕六  
夜入銀潢剪瑛珠沉香火煖錦承塵巨羅羔酒生春粼  
宮溝不寄題紅怨日映五紋添弱線

十二月

瓊芳銷歇年華改青鳥無音隔瑤海綠綃窻戶弄晴曦  
柳條迎臘含烟彩上苑花須連夜開枝頭休剪楊家綠

閏月

若華煌煌日馭氣朔盈虛積餘數低鬟欽黛拜孀娥  
孤負團圓十三度生物趨功得歲長山中獨覓黃楊樹  
送日者黃學海歸江西

黃君舊飲西江水太華黃河歸眼底移家直上黃金臺  
袖染天香五雲裏神遊碧落鞭雷霆六丁呵護青囊經  
藍袍掩映蒼水珮劍光倒射天冥冥前身金華老仙伯  
此生還作金華客却厭緇塵點客衣解組竟尋山水癖  
生男有室女有家買田築室春桑麻秋風吹醒故園夢  
清江碧嶂天之涯去路不辭烟水隔骨肉相歡頭雪白

千年老鶴今來歸閣皂山前令威宅  
故園多海棠其一樹大數十圍樹一枝如雪白

因賦

太真酒酣睡未足深宮已縱嘶花鹿翠華一夜拂峨眉  
風塵瀕洞黃金屋馬嵬香土埋嬋娟冶容悔與春爭妍  
似聞天王狩太白雪魄幻作花中仙淡粧獨立東風裏  
冷笑滂山舊桃李芳心恨不聘梅花雨中有淚如鉛水  
蜀山紫錦同本根得如梨雪聊相溫凝脂醞籍初出浴  
玉鳧波暖春粼：瑤臺月下相逢處翠袖冰姿生媚嫵

更燒銀燭醉中看髣髴霓裳羽衣舞

五十自訟示同志

嗟我行年今五十鬢毛半染秋霜白方知四十九年非  
追數平生竟何益少年懶惰廢經史明時進取無謀畫  
臨財不解競錐刀飽食安知勤稼穡故園已荒松菊迳  
索居却占漁樵席陸沉井里等樗散賓餞義娥駛駒隙  
齒牙搖落筋力疲兩目生花眩朱碧母年七袞餘四齡  
飲食康強喜愉懌大兒無成小兒幼有弟相望念離隔  
弱孫繞膝不識愁弄筆攤書恣狼籍不如意事十八九

俯仰興懷百憂積取隨桃巧人共嗤自信脩姱心不易  
使予浸假嗜酣醑好勇鬪狠從博奕豈如用拙樂賤貧  
清苦寧辭食冰蘘牛衣不煖泣中夜犢鼻淒涼徒四壁  
丈夫未遇亦如此顧我何為歎緯繡已將窮達付天公  
歎歌起視滄溟窄方今忽、歲適盡黃落山林見松栢  
揆余初度安足論母恩未報嗟窮厄醉來未聊以寫我  
憂返鎖衡門謝賓客

中秋對月

素娥游宴清虛府手摘蟾花啣寒兔瓊樓高處作中秋

淨洗銀盤灑風露此時令我憶去年山中挂影浮航船  
今年却來江海上美人千里同婵娟世間憂樂知多少  
天地無窮月長好明年蹤跡何處看此夜陰晴亦難保  
鵲有媒

長林蕭、兩乳鵲慵戶綢繆欣有托雄飛望望杳不歸  
飲啄應憐墮繒繳孀雌哺鷺成孤栖月明不復從南飛  
迢、織女隔銀浦風多巢冷將疇依花間雙鵲能凸喜  
來往殷勤道芳意雄鳩佻巧鳩不媒願得靈脩幾同類  
斯須衆鵲邀提壺入林繞樹聲相呼群飛盡去遺一鵲

同室定偶携諸孤，彊々和鳴如有道。求牡深慚雉鳴，鷺踰墻鑽穴相窺。從重嘆人而不如鳥。

癸未春留錢唐，巨可大家六月可大歿。明年移

家平臨，余將東歸，因賦此寫懷。

去年六月十五夜，月明漁浦看潮生。今年此夜對明月，淒涼池館難為情。故人夢斷知何處，生存華屋含風露。明朝家具載扁舟，又向臨平山下住。憶昔故人邀我來，咲談白日驅風雷。百年未半忽轉燭，時移事改人哀我。家金華北山北堂，上慈親年八十。要知生死見交情，兩

載淹留，婦未得孤兒。有托女有婦，余亦興懷。歌式微悲，來縱筆寫情曲。九原杳々心相知。

徐仙鄉歌

兩儀肇分天地，位融海結山由。至理崑崙之墟，西極高天下羣山。從此始川流百折，皆朝宗山氣。龍從騰蒼龍，大為京都小郡邑。民物摠々成提封，辨方相土傳。今昔是亦陰陽家一術，自從管郭著遺書。後世紛々相祖述，胎山化作徐仙鄉。黃冠野服芒鞋輕，千峯飛步攬空翠。佳氣鬱々雙瞳明，玉函玄經妙萬化。王賴魯揚齊逸駕，

道傍忽尔得牛眠土與黃金即同價鴈鳧銀海長冥、  
珠襦玉匣非生榮伯倫王孫埋與裸三年石塚何由成  
我思掩親必有道十載未成心悄悄、卿言只尺有佳城  
水秀山明宜宅兆徐卿目擊而道存澗溪培塿安足論  
五湖四海浮日月太山喬嶽撐乾坤贈君一緡登山屐  
踏遍江南與江北觀光直上燕然山日近蓬萊雲五色

五言律詩

旅夜

逆旅頻看鏡秋來白髮生孤雲渺何許遊子獨闌情野

迴鷄三唱霜寒鴈一聲此時愁絕處歸夢度江城

過臨平

舟過臨平後青山一點無大江吞兩浙平野入三吳逆  
旅愁聞鴈行庖只繪鱸風帆如借便明日到姑蘇

旅夜

秋宵不成寐缺月向人斜更漏傳三鼓寒燈落一花窮  
愁長伴客幽夢只還家烽火何時息吾生未有涯

和韻秋日述懷簡李克明

草木驚搖落賓鴻度漢河故山歸夢遠明月客愁多不

復丁年壯空悲子夜歌倚闌看北斗零露滿烟莎  
病起二首

病起錢唐上走離獨擁衾燈花懸客夢枯韻動鄉心力  
疾坐長夜放懷成短冷故園歸未得迴首白雲岑

其二

今日忽已過明朝還又來客懷長作惡咲口為誰開兩  
月書無到三更夢獨迴天寒不歸去茅屋長蒼苔

得家書二首

卧看平安字移燈就枕衾兒癡甘廢學母老最關心山

藥來鄉味溪籐寄野吟愁多鬪不寐歸思在遙岑

其二

病起書至頻看坐夜分弟兄憐鴈影親友散鷗羣嘗稻  
應翻雪裁松欲入雲故山歸去日嘉樹定續紛家

漫興

此生如寄耳遷次竟何如江上得安宅山中有敝廬一  
簑成釣隱三迳遂吾初去住渾無定教兒且卜居

挽汪元明

幽貞甘苦節力學欲名家齊戶憐孤子遺書尚五車鶴

原人泣血鸞鏡髮為鬢新塚誰顯墓青山日易斜

四月二日二首

衰晚聞邊警蒼黃欲斷魂徵兵防列郡帶甲滿中原老  
去身多病憂來眼倍昏此邦猶樂土吾得守柴門

其二

撫景悲涼甚臨風感慨多荆舒屯虎旅滄海起鯨波世  
事遽如許吾生奈老何愁懷翻倒極對酒不成歌

存歿

交游半存歿搔首獨踟躇李札千金劍吳孟思劉公一紙

書劉御蘓門絕清嘯孫季圓澤悟圓如暉東自笑山中

客塵緣未破除員

茅屋

茅屋絕多低小棲遲江上村兒曹從逆旅稚子解磨門  
幽事齊書帙清愁付酒尊近聞李公子入贊紫微垣

秋興

秋色絕瀟洒憂懷自不勝江山驚白髮風雨老青燈飲  
啄樊中雉飛騰鞞上鷹歸來葺茅屋纒々索明繩

七言律詩

寄題天台楊道士素軒

梨雲漠漠護幽局，宴坐冥觀內景清。  
風露洗秋生，灑白雪霜驚。曉眩空明瓊，  
接奏樂霓裳。冷縱嶺吹笙，鶴羽輕窓戶。  
玲瓏人寂，碧堯花下步，虛聲

同劉學錄登台州古城

逆旅論心出肺肝，酌君斗酒盡君歡。  
兩峯海月生殘夜，萬壑風烟入暮寒。  
草木近從霜後落，江山須待雪中看。  
荒城試豁登臨眼，蒼隼摩空振羽翰

登台州中山

翠嶽雙峰著此身，危巔半夜見朝暉。  
天低古塔叅雲闕，江送寒潮落海門。  
恰幘風高仙已去，翠微僧老鶴長存。  
下覩城郭紅塵隘，水色山光自吐吞

風雨赤城旅夜書懷

吾兒為客在黃山，我向丹丘歲又闌。  
千里鄉閨家信遠，一燈風雨客羶寒。  
衣鉤石角難行路，船趁潮頭易上灘。  
須信故園歸去好，梅花相伴竹平安

哭鄭伯容

永嘉天趣幼子

錢唐十載客淒涼，病入丹丘蝶夢長。  
滄海歸魂依骨月

皇天老眼忌文章春暉早與萱花殞書種誰傳帶草香  
白髮若翁腸欲斷束棺歸葬鄭公鄉

送錢思復進士赴會試

手折蟾花第一枝又乘官艦赴春闈江峯曉夢湘靈瑟  
雲錦秋裁織女機紫電早催龍尾化絳霄行見鳳毛歸  
中堂慈母占烏鵲看取青山衫映綵衣

和洞霄宮丹泉酒韻

芟、碧竇出平岡冷漱雲根貯玉漿鄭米化丹淪石髓  
釀泉為酒沁霞光銅盤清露承天迴金勺黃流灌地香

得似仙家風月好手分麟脯引杯長

桐灘月夜舟中聞琵琶

湛、長江上有風予懷渺、水雲空未誇湓浦逢商婦  
騰喜桐灘有釣翁欹枕醉眠秋渚月亂帆爭趁夜潮風  
曉寒難結思歸夢一守秋霜壓短篷

寄括蒼劉學錄

我昔天台碧海東識君豪氣似元龍醉扶太乙青藜杖  
嘯倚皇華恰幘峯桂樹小山懷舊隱桃花流水記遺蹤  
思君不見空回首知在蒼雲第幾重

勉童良仲入京

東華塵土撲征袍  
鞍馬驅馳不憚勞  
虎豹天閑瞻日月  
魚龍入海混風濤  
千金臺上英游盛  
萬歲山前王氣高  
聖主唐虞臣稷契  
頌聲端擬漢王褒

蘆花褥

搖落蒹葭白露霜  
冰綃覆護帶情悵  
張瓊臺積雪和烟凝  
銀浦流雲入夢香  
失紉曾憐衣冷落  
吐茵空染酒淋浪  
鴈聲髣髴瀟湘夜  
起坐俄驚月一林

寓錢唐寄呈元禮叔父

游子辭家負薜蘿  
故園春物近如何  
他山杜宇客懷惡  
清夜竹林歸夢多  
荃蕙化茅成楚怨  
布衣扣角起商歌  
遙知病後無情思  
莫遣愁添兩鬢皤

寄舍弟綺

溪上楊花撲酒旗  
別來猶記醉歌時  
故山笈我生華髮  
諸弟唯君最白眉  
風雨夜床懷舊夢  
池塘春草入新詩  
自憐漂泊成何事  
折取芳馨寄所思

奉送浙江省危宰即中除湖廣

毗質儀曹覲九閔  
南從宰屬綴鷓班  
庾樓月上借僚佐

郎省星移鎮獠蠻葉落洞庭秋雨後書來吳會莫雲間  
陰、官柳相迎送天驥催歸十二閑

奉送江省都事紉文郁除湖廣

蟾府秋花滿袖香盱眙遺愛在甘棠紫薇幙下除書至  
黃鶴鷄頭駟騎忙風靜瘴雲消嶺海雨新春水滿瀟湘  
庾公明月蘇公柳兩地高情屬省郎

錢唐旅舍贈憚東陽和尚

天女飛花不染衣眼明心淨見摩尼蛾浮瘴水窺人影  
鳳立朝陽刷羽儀積雪不移松栢搯故山頻寄鵲鴿詩

三峯菴下孤雲白昨夜秋風長桂枝

夢仙

紫鸞邀夢到仙家結佩相逢萼綠華翠勺細傾十日酒  
蜺旗斜挿五雲車飛瓊髮影清含霧弄玉蕭聲隔綠霞  
杜宇無情驚覺後月痕猶在碧桃花

錢唐三茅觀古梅五代時所植至正辛巳毀于

火次韻

三茅琳館倚嶙峋五季枯梅帶蘚痕劫燒忽收香影去  
孤根猶抱麋株存翠禽夢斷春無迹玉樹歌殘月正昏

不作杜鵑啼閨苑為煩逋老賦招魂

寄洞霄宮史玄圃真人

九鎖靈宮隔翠霞至人來往駕飛車  
蝶知天上神仙宅只在山中宰相家  
石鼎夜浮丹井月瑤壇春暖碧桃花  
我來不奈塵心渴願賜瓊田五色瓜

寫懷

亭館烟花暗結愁故人靡、付東流  
臂能化彈因求灸劍已沉淵尚刻舟  
投轄待垂公子釣敝裘應笑長卿遊  
移書為謝林間鶴孤負西風蕙悵秋

望江亭懷古

金利璇題入絳霄望江猶自記前朝  
群臣痛洒新亭淚屏主方看淞水潮  
故物蒼龍蟠石柱當時丹鳳聽蕭韶  
屬鏤一夜英雄老曾見鷓鴣夷恨未銷

過護國寺

帝夢臣鏐返故虛汴京從此化青蕪  
直教卧榻人鼾睡不復中原宋版圖  
閭闔草深藏虎豹梯歸月冷泣魚鳧  
玉雲飛去青山在長繞蓮宮壓舊都

壽開元宮王眉叟真人

紫誥銀章下，淙江群仙遙引散。花幢錦雲繚繞開丹室，  
珠樹玲瓏見碧窓。弄月吹笙秋鶴隻，朝天飛舄曉鳧雙。  
朝來阿母蟠桃熟，音熟丞相堂前醉玉缸。

晚霽

雨晴秋氣轉蒼涼，萬籟依稀奏羽商。烟抹林腰橫束素，  
日迴山額半塗黃。鸕鷀晒翅眠池草，翡翠噉魚立野航。  
霜蟹正肥新酒熟，破橙宜趁菊花香。

至郛存存菴文叔兄尹舜卿舍弟景參不期而  
會遂同宿菴中時何仲畏留吳博士宅恨不

合并也

兄弟相逢琳館靜，倚闌忽見故人來。一時良會有如此，  
百歲好懷能幾回。竹屋對床宜聽雨，風簾剪燭共持杯。  
何郎只在蘭江上，安得相依携。咲口開。

宿存存菴

送葉鍊師非宿  
存菴題句

雲衣瑤珮思翩然，夢踏銀橋桂影邊。丹鼎結胎苗姪女，  
綠章封事挾飛仙。三山只隔蓬萊樹，七澤方栽華岳蓮。  
夜半月明騎鶴去，紫簫吹在蔚藍天。

宿存、菴

林下道人何處去老君觀裏禮星壇  
佩環遙候青牛過  
臺殿唯留白鶴看  
一榻松雲容我宿  
半巖風氣逼衣寒  
五更馬足車塵動  
得卧山中夢寐安

葯房樵唱卷之第一

葯房樵唱卷之二

觀文叔兄續修潘氏清譜有感

吾父實為君仲父  
延陵家裏繼書聲  
蘭分蕙族元同氣  
梅是樊兄最有情  
骨肉豈能忘至理  
子孫猶得記清名  
他年二姓披圖譜  
知我淵源自默成

文叔和韻

桃塢移根栽北阜  
喜培奕葉播英聲  
譜書二姓簪纓族  
詩寓一家兄弟情  
卿寺謾云孫繼踵  
法肯深羨祖傳名  
已知先德皆餘慶  
大器應須在晚成

和韻春日二首

雨香雲淡燕泥融  
珂馬如行卷畫中  
江上數峯浮暖翠  
日邊繁杏倚春紅  
鶯花世界惟消酒  
水榭簾櫳易受風  
陌上遊人皆倒載  
未須拍手笑山公

其二

遊絲舞蝶共徘徊  
野馬空濛拂面來  
風雨一時成晚霽  
園林何處不花開  
江橫羅帶銀鷗起  
雲想衣裳玉女裁  
賸喜麻姑能送酒  
只愁門外索空壘

山中訪唐隱居三首

雨後春山宜散策  
藤梢石角路低迴  
雲為蒼狗隨風去  
水作青龍繞澗來  
短屐有時成獨往  
幽花無數為誰開  
老翁燒竹烹新茗  
不飲何煩薦酒杯

其二

我愛春山多勝事  
與君竟日不能迴  
雲生疊嶂層層見  
風送飛花冉冉來  
灌木時閑幽鳥嘯  
柴門多為故人開  
蕨拳笋角供清酌  
石上窪尊不用杯

其三

竹嶼先生吟嘯處  
長松繞屋水縈迴  
山人采藥烟中語

仙客吹簫月下來琪樹碧桃窓戶靜瓊林翠壁畫圖開  
分明似入天台路安得胡麻飯一杯

春思

飛燕腰支掌上輕塵生羅襪步盈、鑰魚不寐春無賴  
箏雁頻移曲未成歛黛低鬟初破睡嚼花嗅藥獨含情  
許身肯作王孫女頭白哀吟對馮卿

歲暮歸自錢唐宿玄真道院

吳會江山已厭看夢隨猿鶴共清歡海風不借歸帆便  
雨雪偏于行路難日暮扣門林屋靜天寒勸我酒盃乾

還家恰、當除夜好辦椒花頌履端

過趙敬德業別

結廬人境澹無心空谷猶聞喜足音自是胃中有丘壑  
何須眼底見山林清琴濁酒踈簾晚嘉木幽篁小院陰  
別業蕭間誰得似浣花流水草堂深

奉謝惲東陽見貺白葛水源茶百丈諸石刻墨

本二首

三年飛錫過江西欲折芳馨寄所思五色雲臺懷舊隱  
九重天詔列清規歸帆高拂滕王閣行李兼收孺子碑

一咲相逢驚久別草堂深處話襟期

其二

雲袖來歸未袂塵尺書落手見情真三峯菴下看明月  
百丈山中憶故人白葛含風升縷蜜綠花瀟雪水源新  
摩挲石刻成三絕相送茅簷一咲春

喜怯烈失監州重建東峰亭

東峯序廢江山在故址誰將枳棘開作記名高龍虎榜  
監州聲重鳳凰臺烟雲竹樹丹青筆風月軒窓紫翠堆  
稚耄謳歌禽鳥樂未輜時引畫熊來

和韻趙敬德雜興四首

九臯時聽鶴長鳴林下幽棲遠市聲明月涼天秋最好  
幽花小樹晚多情雲山發興宜雙屐莸竹何人贈兩莖  
馬足車塵名利客蛇行蒲伏可伶生

其二

秋至吟腰瘦幾分野情蕭散意欣々幽懷自愛求三友  
高詠何妨對五君尊酒醉眠松下石山人不寄嶺頭雲  
枕流淨洗巢由耳世事年來了不聞

其三

連天芳草不勝秋為報王孫已倦遊  
松菊故園山北面  
漁樵別業水西頭  
英雄每被功名悞  
豪俠唯將意氣酬  
道術相忘貧亦樂  
養真衡宇足優游

其四

客懷物意兩翛然  
故老相逢每問年  
種菊已成霜下傑  
脫巾時漉酒中賢  
門無俗客來相過  
架有殘書補未全  
小立芳洲來蘭杜  
坡紛蕭父政堪憐

再和

幽懷耿耿託詩鳴  
風葉蕭蕭亦有聲  
濠上觀魚知我樂

門前羅雀見交情  
從教白髮三千丈  
休探靈菴五十莖  
自卜此身甘老拙  
且將書帙了餘生

其二

一幅吟牋寫八分  
風神蕭遠過羊欣  
蘭苕翡翠偏憐我  
錦繡琅玕莫報君  
江上草堂連野竹  
山幽桂樹倚秋雲  
高情自得滄洲趣  
款乃漁歌隔岸聞

其三

萬里青冥一鷄秋  
山川應待子長遊  
莫驚素髮催垂領  
早見朱衣暗點頭  
錦帶吳鉤心獨壯  
牙籤玉軸志先酬

師門籍、高風在立雪英才舊姓游

其四

飛蓬落鏡已皤然坐覽陳編閱歲年五斗折腰陶靖節  
一經教子漢常賢荷鋤不識黃金貴睨柱能歸白璧全  
慨想前脩有如此我生堪愧復堪憐

寄蘇伯夔

自咲今吾即故吾煩君問訊近何如馮唐易老雙蓬鬢  
殷浩難投一紙書天北風高鵬翼健江南水濶鴈音疎  
他時若遇王摩詰肯道南山有敝廬

唐寅四月十八日禪傍成

人生剛作百年期三寸桐棺手自治馬革裹屍非我願  
桑蚕成繭是吾師莫憂王叵逢碑墮好喚劉伶荷鍾隨  
淮道野夫為計早樂夫天命復奚疑

宿存、菴聞文叔兄有會晤之期

玄真道士留余宿報道君來八月初會面猶如千里隔  
別懷動是一年餘喜聞筋力加強健每遣兒孫問起居  
老境逼人能幾見碧天空闊鴈行疎

垂虹橋

橋壓吳江七十洪行人如在水晶宮月明鵲翼橫銀浦  
雨霽鯨波落彩虹西望太湖秋氣白東迎初日海漚紅  
祖龍縱不明年死鞭石安能有此功

姑蘇臺

烏喙難忘石室囚苧蘿西子入長洲鳴夷若畏姦臣去  
麋鹿安能此地遊落月當門睨目恨遠山顰黛捧心愁  
後人俛仰悲陳迹獨倚闌干對虎丘

舟次丹陽

舟次丹陽成陸走驅車長坂復經丘青山東去連京口

紅日西沉向石頭客路最嫌難戒曉鄉心生怕鴈橫秋  
明朝定宿烏衣巷斗酒還澆逆旅愁

鳳凰臺

長嘯西風上鳳臺梵宮相依碧崔嵬紫髯布政三分後  
綵翽呈祥兩度來潮打石城吳月上山連淮甸楚雲開  
金鑾殿上騎鯨客醉墨淋漓落酒杯

和韻荅楊生

少年才力擅群雄手掣長鯨碧海中一鷲獨飛天外碧  
五雲多在日邊紅肩摩盧駱文章妙筆落鍾王翰墨工

千里相逢如舊識明朝匹馬又江東

奉呈劉御史

紫微花下演絲綸又向東南擢諫臣家世舊傳真御史  
典刑今有老成人校書天祿青藜在落筆蘭亭繭紙新  
一寸寒英猶未綠願從莸李得陽春

荅蔣山寶公塔下高閣

寶公塔下登高閣目盡東南半壁天江接秦淮圍故國  
地連吳楚渺平川猿驚鶴怨移文在虎踞龍蟠王氣偏  
聞說先皇遊幸日白毫千丈禮金仙

六朝遺迹

望中紫氣已蒼涼六代遺基付夕陽鐘阜挿天猶虎踞  
虞淵浴日見龍翔接船鐵鎖江城在玉樹金蓮野草荒  
一自王師來飲馬烏臺百尺凜風霜

留別巨生二首

我昔君家留兩載拂衣豈為食無衣魚雲飛親舍歸心  
切月滿關河故友踈壯志已騰三尺劍少年須讀五車  
書若翁讞獄多陰德高大門閭實在子

其二

吾子別來驚幾載相逢彼此問平安鯉魚旨甘慈親樂  
烏鳥私情祖母歡英物已知能跨竈老生尚及度彈冠  
河梁執別還申戒從善如登信獨難

至吳仲毅投家書就假張應奉天香集

二豪文采動詞林江上相逢又盍簪談塵坐陪雙白壁  
家書喜直萬黃金華顛丹、含秋色青眼垂、見客心  
賴有天香詩借我玉堂人有五雲深

錢思復所賦靈槎集舊嘗錄遺後十年失其本

藁思復以詩來徵用韻奉答

先生江上醉吟時止是湘君鼓瑟希八月靈槎通折木  
九天雲錦落星機篇章拜屬辱驪珠富翰札徵求趙璧  
歸千里封題寄將去湖山從此發清暉

葦山中故廬有感

溪上老人有敝廬昔年經始最勤劬弟兄已作辭家燕  
林木誰瞻愛屋烏墻角蓬蒿迷町疇簷牙風雨老枝梧  
肯堂肯構真吾事未讓楊雄宅一區

夏夜山中偶成

山氣空濛暑氣收南箕落、月如鈎松濤忽捲三更雨

林籟俄驚六月愁，破甕從他中夜舞。  
敝裘憐我少年遊，夜來起坐空長嘆。  
坐不成名已白頭。

自山中歸鑑湖別業

數椽茅舍清江曲，六月炎天困鬱蒸。  
賴有青山圍故宅，歸來赤腳踏曾冰。  
石泉松籟為琴筑，野藪山肴薦豆登。  
明日迴頭望立壑，芙蓉半出白雲層。

同劉伯善賦覺慈寺玉壺冰泉

古寺寒泉霜冷一泓澄，碧絕埃氛瓊漿自注冰。  
壺滿石眼疑從玉井分，夜落天光常浸月。  
曉騰秋氣欲成雲，水

符乞與山僧調供給，茶鑪日與君雪

春波漁者二首

水濶江南魚正肥，烟波一棹動蘭漪。  
船頭鴉連書冊，海底珊瑚礙釣絲。  
揚柳月高春醉後，桃花浪暖雨晴時。  
問渠攜李當年事，越入吳亡總不知。

其二

一簑一笠似張同，投轄何煩倒海東。  
漁火獨明風露下，擘音多在浦雲中。  
水黏罾眼離，白落花船頭點，紅  
拋却釣竿還自笑，更無漂母飯英雄。

夜坐感懷

柳影參差月轉廊酒醒無奈意動勦鏡中白髮垂老  
枕上清宵細長舊事已隨流水去哀懷那復少年狂  
玄花亂落看書眼孤負韓檠一尺光

答吳濬仲

禮部文章驚海內先王學業振家聲隱之泉水有清搽  
仲蔚蓬蒿無俗情天上麒麟初應瑞榜中龍虎再題名  
漢庭慎勿輕年少政事書成屬賈生

旅夜對月有懷尹舜卿

金點知更萬籟收可人清景思悠悠朱簾捲雨初消暑  
冰簟含風不耐秋推枕忽驚身是客倚闌惟有月當樓  
此時無限相思意目斷孤鴻寄遠愁

呈文叔光

平生知我無如子奈此別離情思何春水連天歸鴈盡  
故山迴首白雲多玉門鼓瑟應難遇賓館無魚直賦歌  
為問我吾宗老兄弟近來潘鬢幾分皤

寄錢良貴

桑梓連陰十里餘三年不見意何如他鄉對月嗟離索

故友憐君問起居  
歸去山家新酒熟  
向來林館小窓虛  
高堂老母頭如雪  
莫惜頻、斫鱸魚

寄琳上人

滿山紅葉鴈來初  
好是維摩示病餘  
踣倒淨瓶誰問話  
踏穿門限客求書  
雨花散漫霑荆樹  
雲衲爛斑映板輿  
我識東陽老仙伯  
為問訊近何如

寄江君逸

斗酒相逢盡醉休  
幾迴清夢憶同遊  
江河牢落知心晚  
天地淒涼滿眼秋  
客有常何能具草  
誰憐王粲獨登樓

思君不見空回首  
日落天寒攬弊裘

歸故居

桂樹團團屋角青  
歸來自覺愜幽情  
隣翁共話桑麻長  
稚子爭言竹笋生  
樓上看書無限好  
山中伐木有餘清  
短筇來往問成趣  
流水涓涓木向榮

夢鄭詔道

夢中尚憶曾遊處  
多在排雲湧雲間  
玉澗清冷寒脫齒  
金臺蒼翠鬱孱顏  
天池倒影沉圓象  
丹竈何年熟大還  
鄭老襟期誰得似  
月明環珮響空山

香溪解纜

解纜忘、別思遲汀洲日落暮烟微故人勸我杯中酒  
慈母為縫身上衣幾度客懷心欲折一江秋水鴈初飛  
倚闌無限思親意底事西風久未歸

知己

知己相逢盡醉歡西窓剪燭坐更闌咲談傾倒忘賓主  
意氣相期出肺肝白雪數莖嗟我老黃金一諾報君難  
丈夫磊落當如此自愛先生禮數寬

寄潘彥實

自是潘郎奕世孫貪泉一酌別為源若翁視我猶諸弟  
舉族佳君念本根况有詩書敦宿好每將瓜瓞細同論  
相逢且盡登高興賸采黃花汎綠尊

草堂訪憚東陽不值是夕同胡太常宿桐江方

丈用太常韻奉呈并簡東陽

獻賦相如早已逢縣車疏廣晚攸同耆英人物衣冠表  
官樣文章館閣中吟嘯坐陪雙峴碧夢魂猶繞五雲紅  
天閑老驥成超縱振鬣一鳴凡馬空

其二

春盡秋來兩度逢襟期一咲二心同夢迴桐瀨千峯外  
身在雲臺五色中茶圃氣清秋露白松門影落夕陽紅  
夜闌迤轉迴銀燭別有岑樓倚半空

其三

入山休恨不相逢意足猶如會面同一字懶題蕉葉上  
五年還到草堂中眼前樓閣浮新綠鏡裏容顏減舊紅  
何日重來聽說法寶花無數滿虛空

次韻荅錢思復并簡呂彥夫

相逢動是經年別笑指沙鷗聚舊盟芳草只添遊子恨

清風還有故人情薇花亭館春容老木葉林唐晚氣清  
枉字數聲愁不奈朝來白髮鏡中生

送張伯翔

掾曹辭滿東陽郡尚憶丹立與若耶掠鼠傳爰廷尉事  
運籌決勝列侯家遺書猶載千秋鏡婦擢應隨八月槎  
意氣相期在功業不將別淚洒江花

閒居

慨想古人知用舍絕憐奔走曳長裾洛園五畝容君實  
蜀客十年誦子虛滿地白雲連野竹繞門綠水浸秋蕖

脫中自草間居賦客至從嘆禮法疎

題鮮于伯機書桃源詩

流水桃花駐客車青松白石二仙居鵝群不待崇虛致  
繭紙爭求困學書丹竈雲開光掩冉瓊林月上影扶疎  
舊題滿壁多風雨欲卷跳龍上太虛

寄吳孟思

我憶錢唐吳孟思三年不見近何如半生白眼看俗士  
一代清名工籀書江上風塵何瀕洞天邊鴻鴈亦蕭疎  
多君早結籌山屋自樹蘅茅賦卜居

送人北歸

相逢袞、別忽、酒沃離腸盞易空急管繁弦悲落日  
短衣疋馬又西風關河千里頻回首烽火三年嘆轉蓬  
此去應須各强健有書長寄北來鴻

寄徐景傳

我識徐公百不憂也應憐我賦登樓故人動是三別年  
獨客還驚一鴈秋舊雨淒涼烟水濶停雲掩靄夕陽愁  
吟邊若問湖山興翠影紅香襲綵舟

寄題衛立本具慶堂

日永南陵棟宇深  
涿河繞屋樹陰陰  
二儀覆燾主成德  
百歲期頤孝友心  
戲綵自供堂上水  
擊鮮無藉橐中金  
漢家舊賜麟符在  
奕葉蟬聯直至今

風雨途中遇羅主簿杖履歸北山

花縣哦松賦式微  
杖梨風雨返郊扉  
不將軒冕矜閭里  
只似山林一布衣  
陳梁未覺烏巾墊  
儻何妨木屐歸  
曠士古來同一致  
先生無意在輕肥

送張道士

羊山踏碎白雲堆  
不見仙翁未肯迴  
小有洞中持節待

大羅天上散花來  
丹崖翠壁參差見  
琳館瓊宮迤邐開  
借得初平雙白鶴  
月明騎上素華臺

六十

歲晚揆余初度日  
梅花索笑共清妍  
留連風月三十界  
俯仰乾坤六十年  
乍鷄海鷗齊小大  
春猿秋鶴與周旋  
但教強健加飧飯  
莫把窮通更問天

次韻荅友人

山澤癯儒豈列仙  
丹梯萬丈莫攀緣  
垂弧不記逢初度  
載酒何煩頌大年  
花甲曆周辛卯歲  
玄枵日在女星躔

此生自斷君休問消息盈虛總付天

辛卯冬

至正青龍在辛卯三冬民物在躋春臺紅霓屢向朝昏  
見雷電長隨風雨來豈有雪霜消瘴癘只看苑李發條  
枚天時人事都休問且盡生前有限杯

挽惲東陽

方外論交獨有師一談一咲共襟期閑雲屋下傳燈處  
慈母岡頭憶弟時上室每同清夜話草堂猶有去年詩  
青山滿日人何在收淚長懷不盡思

寒食

白雪凝鬢影斜風光流轉任年華杯行不惜斟婪尾  
春事如今到揀花車馬羽毛分戰士園林鐘鼓是誰家  
側身北望空迴首愁絕吾生未有涯

自警

垂老方知悟昨非野清長與世情違可堪青鏡生華髮  
莫遣緇塵點素衣遼鶴歸來悲往事海鷗飛去識先機  
幽棲只合逃空谷深掩山中白版扉

閏月書事

提封百萬海為疆猛士如雲守四方楚塞烽烟南去急  
燕山兵甲北來強總戎自信如頗牧遣使縣知有暴張  
多少英才思報國平搃長矢射天狼

遊紫巖寺

古木迴巖障綠陰此中知有小叢林懸厓置屋依曲空  
繞澗穿雲入窈深蒼筍香宋清鼻觀蓮花色淨悟禪心  
宝坊亦有差徭及從此應無布地金

自山中歸

山人留我山中宿又返湖陰理釣蓬島嶼孤云邀獨鳥

林梢片雨隔殘虹田歌互答耘耔樂野老相親屨同  
休道干戈猶滿地捷書已到大明宮

築城

城復于隍四十年荆吳忽爾舉烽烟雄藩已設金湯固  
惟婺還如鐵甕堅十萬役夫搃畚鍤三層理坵列戈鋌  
引錐蒸土民勞止但願皇圖際幅員

葯房樵唱卷之第二

葯房樵唱卷之三

奉簡吳濬仲避地紫岩山

鏡中華髮不勝簪歌詠周南治世音老驥謾懷千里志  
隙駒空負百年心傳聲烽火猶虛遠遁迹山林竟密深  
故多謝故人憐寂寞可堪莊舄獨哀吟

寄唐公弼

十年落魄西湖上舞榭歌臺爛熳遊愛客酒翻鸚鵡盞  
采花香滿鷓鴣裘戚聯盡是千金子談笑還輕萬戶侯  
一段風流成白髮銀床冰葦不勝秋

暑夜對月

三伏炎宵困鬱蒸攬衣盤礴敞閒庭自移冰簟邀明月  
卧看銀河倒列星竹樹繁陰薄坑澗乾坤清氣入襟靈  
尊收按節明朝至先落梧桐一葉青

夢憚東陽

憚老相逢夢裏身咲談猶自惜離群精魂不返三生石  
臺閣長垂五色雲澗水松風秋瑟瑟草堂烟樹月紛紛  
覺來多少悲涼意清淚潛潛夜欲分

夜宿葉孟咨書樓

小樓蕭爽俯平川市井收聲暮景懸雲影消沉山外雨  
月華浮動水中天船舷暝戛層簷底更漏時傳客枕邊  
溪友幾番留我宿清談終夕不成眠

次韻通表忠觀

龍鳳山前一逕長錢王宰木鬱蒼蒼英雄何用作疑塚  
富貴不如歸故鄉錦繡湖山猶髣髴麒麟荆棘已荒涼  
表忠觀裏豐碑在坡老文章共耿光

秋興三首

玉露凋傷草木衰風雲慘澹見旌旗南往車馬無消息

北去閔河有蔽虧  
畫棟飛雲滕閣晚  
胡床月上庾樓時  
遙應此地成蕭瑟  
日落江城畫角悲

其二

吳會雄藩寔壯哉  
薇垣高倚海天開  
雲連樓閣笙歌市  
日照湖山錦繡堆  
萬國九州舟車通  
貨殖四方冠蓋集  
英材悲風吹破繁  
華夢鞞鼓聲中半  
劫灰

其三

封豕長蛇夜透閔  
滿城兵火照湖山  
生靈化作玄黃血  
群盜爭探赤白丸  
整堂離復合纍纍  
若去無還

捐軀鋒鏑樊叅政  
千載英風史冊間

席上即事

華筵扶宴清宵拊  
掌歌呼飲興饒  
罵坐淮夫元不屈  
絕纓楚客去難招  
綠珠嬌小仍吹笛  
碧玉殷勤且合簫  
待得月斜人散後  
一杯花露酒初消

垂老有懷葉景翰范景先胡仲申

垂老行歌獨隱淪  
索居長是念離群  
也知月色秋來好  
只恠雞聲夜不聞  
滿鬢風沙時暖  
側身天地思紛  
故人相望隔秋水  
幾度憑高對暮雲

中秋

風露平分洗太清團圓、碩兔又東生一年獨愛今宵好  
萬里同看此日晴天地山河由仰照中天星斗只微明  
霓裳翻作人間曲得似簫韶奏九成

月夜懷友

銀河吹浪瀉長空南國蕭蕭、草木風千里共看明月好  
一尊那得故人同關河牢落無來鴈江海飄零任轉蓬  
近喜皇威清海岱紫微星在五雲中

次韻憶錢唐二首

湖山錦繡照青春烽火驚心歲在辰文武衣冠全盛日  
旄倪歌舞太平人金戈鐵馬消氛祲翠閣朱樓起戰塵  
賴有總戎雲鳥陣闢如虓虎捷如神

其二

雄冠南來二百州相君金虎領貔貅西山雲氣三天竺  
東海潮聲八月秋聖代只今文物盛名藩自古庶民稠  
狂飈一夜烟塵起太白行天大火流

御史登城南閱武亭

玉帳分弓列虎貔繡衣閱武又星馳沙場慘澹旌旗動

城郭崢嶸鼓角悲，偃武脩文當聖代。有征無戰是王師，掃除天下烟塵息。淇上歸來有健兒。

喜聞太傅石丞相出師平寇

詔書飛下紫薇天，太傅仍兼將相權。入總夔龍陪帝舜，出為叔虎佐周宣。西北旌旗騰殺氣，東南海岳靜烽烟。功高帶礪歸朝日，聖主垂衣億萬年。

癸巳歲二月壬子日晴

春來壬子無風雨，共卜今年麥有秋。且願王師息征伐，盡安農事樂耕耰。墟中能幾炊烟起，閭右惟多賦粟憂。

曠喜山城過百雉，長濠如帶漲新秋。

寒食

二月闌珊逢百五，疾風甚雨思脩然。青春白髮愁千種，柳絮梨花又一年。想像漢宮傳蠟燭，幽憂楚澤起烽烟。崇碑多取泉臺石，麥飯無從洒墓田。

三月七日

松風謖々響中唐，簷影微々下短牆。新竹終添十二個，清詩題却兩三行。流鶯乳燕渾無語，野草幽花各自香。妙意難言成散逸，此身如客獨蒼茫。

荅勝上人

罷講常陪御史聰龍翔如在五雲中  
匡廬駐錫看秋瀑  
衡嶽褰裳振海風歲月崢嶸懷舊隱  
烟塵瀕洞止興戎  
禪餘夢繞珠峰塔萬丈靈光貫白虹

胡太常錄寄黃侍講詩二首見示因次韻

學士縣車自日邊太常先已得云泉  
政如洛社尊諸老  
曾聽虞廷奏五絃禮樂雍容清廟祀  
絲綸綉繹玉堂仙  
歸歟好結山中友來徃風流白髮年

其二

翰林風度似涪翁伐木相求一咲逢  
東峴看雲披鶴氅  
北門視草憶鰲峯花開載酒清歌起  
竹裏行厨異味重  
晚歲文章浩如海百川日夜盡朝宗

次韻張子恭督兵衢州二首

舞階干羽未班師命將南征即陞辭  
繡斧風行迎恭勝  
羽書日報獲仙芝憲曹得士資謀畫  
才畧如公出等夷  
儒術可親軍旅事投壺相與雅歌詩

其二

繡衣有緣志冲天談咲揮兵用命前  
借箸留侯知有後

誓江祖逖勇居先一時蛇豕俱風靡萬竈貔貅解甲眠  
如此賢勞端為國詠歌當見太平年

中秋二首

秋氣蕭條一半過西風滿眼柰愁何登樓見月忽長嘯  
看劍引杯成醉歌菽粟豈能如水火甲兵誰為洗天河  
蒼生正墮顛崖裏絃管堂深列翠蛾

其二

去歲今朝醉似泥今年對月獨眠遲人間共把金波爽  
天上誰將玉笛吹黃道星辰環北極青冥風露洗南陸

銀橋試問乘鸞女仙桂誰攀第一枝

次韻美老老左丞總戎有功

薇垣左轄鎮江東維翰維藩復總戎千里旌旗開玉帳  
九天閭闔錫彤弓龍韜密應非熊兆虎旅爭收汗馬功  
有待賊壕渾鏝盡班師入奏大宮明宮

美揚志誠

省郎勛冒著閑西江左行師縱馬蹄鞭算孰諳軍旅事  
筆籌不使簡書稽咲談風動嫖姚幙步武雲隨宰相隄  
如此定功須第一金門天近聽朝雞

建德同知蒼巖公以平寇陞總管

公子王孫領倅車  
桐江秋月浸冰壺  
奮身破賊自草檄  
拜命專城分竹符  
仁政涵濡真召杜  
竒兵髣髴是孫吳  
功成早晚登樞要  
添入麒麟閣上圖

病中許存禮葉孟咨見訪示堯巖詩因次韻

絕壁嶮々草木稀  
晨赧爛々照熹微  
泥丸果核人何在  
藥選迷花客未歸  
空翠倚天開錦樹  
亂紅如雨落雲衣  
飢餐阿母千年食  
還勝山中采蕨薇

七言絕句

寒食二首

寒食今違二月天  
士甘焚死竟誰憐  
年來遺逸爭求聘  
乞賜新條草禁烟

其二

故苑烟綿野木花  
廢陵無樹著棲鴉  
宮中傳燭人如夢  
留得東風御柳斜

舊遊

古槐疎冷日蒼涼  
廢館荒臺隔短牆  
自是舊遊偏易感  
紫騮曾繫綠垂楊

偶成

挾才勝德世所薄寧我負人天可欺士之言行苟如此  
聖經賢傳將奚為

赤松禱詠六首

赤松山

雙鶴冲天去不迴五雲繚繞散花臺山中若見皇初起  
為問留侯幾度來

小桃源

磻戶沉、鎖翠烟落花流水自年、種堯道士多風致

疑是天台采藥仙

煉丹井

丹成遺井在曾巔金碧靈先夜燭天抱甕道人閑不得  
白雲深處灌芝田

濯纓堂

叅天老樹倚高寒誰濯塵纓向激湍夜半仙人來洗鶴  
手翻明月弄潺湲

卧羊山

雨香雲淡草離、三百維群睡覺遲白石滿山体休叱

叱二皇不借五仙騎

松花澗

繞閣長松百尺高  
輕花細落雲稍羽  
人和露食金粉  
不用嵩山道士教

送黃鍊師絕句二首

聞說穀城黃道士  
素華臺上見留侯  
蒼龍點得雙睛了  
騎繞仙人十二樓

其二

葛洪井畔煉丹成  
手把芙蓉禮太清  
更覓緱山王子晉

碧桃花下叫吹笙

泊臨口

泊舟臨口月初生  
兩岸擘音雜市聲  
明日丹陽朝食後  
小車推上石頭城

龍飛亭

謝公墩下萬松圍  
上有華亭壓翠微  
五色流蘓懸玉座  
先皇曾引六龍飛

春日襍詠絕句三首

東闌梨雪暗吹香  
翠袖金壺為洗粧  
客裏不知花代謝

馬蹄贏得一春忙

其二

草木欣、亦向榮簷牙燕雀半生成落花不掃柴門掩  
自喜幽居見物情

其三

野人居處絕紛華芳徑疎籬八九家昨夜山中風雨急  
曉來門巷掃桐花

山水小景

秋滿西山爽氣多山人帷箔卷烟蘿清溪只在雲林外

半夜月明聞棹歌

登碧雲蒼雪樓有感

先人舊宅倚崇阿獨上高樓自浩歌一度歸來一愁絕  
暮年身世竟如何

題小景

清江碧嶂白雲飛紅樹斜陽獨鳥歸我畫有聲描不得  
西風分付米元暉

題太真睡起圖

興慶池邊花爛、清平調裏思飄、玉環睡起嬌無奈

背立東酒半消風

夜雪

天低野濶凍雲同脉、綫、向晚空窓影漸明疑近曉  
竹聲頻折恠無風

寄江貫之

素業年來付子孫乾坤著此一閑身遙知獨酌西窓下  
曾倚東風念遠人

戲簡江君逸清明日移家

曲巷垂楊映杏花清明時節獨客移家白頭老子風流

甚自與文君駕小車

代呻吟絕句十首

一室無心事掃除蓬蒿沒膝繞吾廬何人解有陳蕃志  
過客休疑仲蔚居

二

茅屋蛛絲日、新亂黏鬚髮惹衣中障空錯綜添經緯  
不遣飛蟲打著人

三

蘆花方褥竹方床葛帳含風薤簟涼夜半起來山月白

滿天清露灑衣裳

四

支離野老畏炎蒸  
露坐三更倦不勝  
何物能消清夜渴  
迎風誰致玉壺冰

五

委巷全無長者車  
脫巾散髮掩殘書  
多緣示病耽慵懶  
客至從嗔禮法踈

六

莫年長是惜離群  
空谷跂音亦喜聞  
天末倚風迴白首

濛濛時雨靄停雲

七

鬢絲冉冉颺茶烟  
藥裏關心手自煎  
禍福從來相倚伏  
靈氛何必事筮蓍

八

辛夷始花人問疾  
薑薑已秋猶養病  
投老棲遲有如此  
一年強半病中過

九

囊底雖存大藥資  
民憂鈔法阻艱時  
伯休不二今安在

市價從他或倍蓰

十

脩竹冷、石磴寒青松落、露雲端此中昔我專遊釣  
病裏長思倚杖看

樂府

滿江紅 歸故居答  
楊潤之

袖拂西風臨古道行、且止遙指處故園三徑歸程十  
里老虹 降音青紅踈雨外遠山紫翠斜陽裏更澄江萬頃  
白鷗輕天連水 銅花鏤貂裘傲空負了平生志慨幾

多往事昨非今是仙沉腰圍綠底瘦愁潘髮影今如許  
有元龍百尺最高樓君來倚

最高樓寄謝國芳

西池草和夢汎晴暉幾度見春歸寒沙盟冷鷗先覺秋  
江影落鴈初飛故園荒征路遠信音稀 咲逆旅光陰  
忙似弊更好染鬢鬢何用鑷驚夜杵搗寒衣莼花流水  
應無恙小山叢桂更疇依早歸來新酒熟菊成圍

滿庭芳

己卯七月十日  
得穎

露洗新秋天浮灝氣桐孫初長庭隅棚栽紅錦門左記

垂弧白髮萱親咲道于今見四葉喜榮敷天台路吾兒  
知不倩雁報安書山何所有石田茅屋菊送瓜區  
更寒窓老硯他年儘傳渠願汝身如犢健者書罷更學  
把犁鋤稱鄉里善人可矣鄉相又何如

念奴嬌 寄蕭善之

絳河明月到中秋不比尋常三五神女夢寒生嫉妬特  
地行雲行雨天上嬋娟人間陰晦悵望成悽楚金尊翠  
袖澹然相對無語 遙想天柱峰頭通宵宴賞此地今  
何處爭似銀橋侵漢表直入瓊樓玉桂宇樹婆娑羽衣

凌亂偷得霓裳譜素娥應咲醉來狂興如許

大江東 壽惲東陽丁亥正月十三日  
生推命者以丙戌筭因戲之

東陽老子問天公乞得兩番六十初度盃春未到却  
筭去年丙戌火樹銀花先開三夜照耀維摩室祇園樹  
下爭看無量壽佛 人道雙峴峰頭乾坤清氣鐘此彌  
天釋掛錫叢林三十載玉檢芝泥猶濕嶺上白雲儘堪  
怡悅恐被風吹出法身強健摩挲時問銅狄

疎影 為劉架閣賊贈妓者

縞衣仙子倚東風花信先占春色帶酒含頰脉、無言

青鳥為傳消息暗香一點才浮動早自有東君怜惜想  
前身傳粉精神化作飛瓊肌骨 還向影娥池上借霓  
裳一曲徘徊歌席清夜梨花同夢方甘又似楚雲踪跡  
新歡舊恨知多少算檀板金尊消得折芳馨欲寄相思  
人在江南江北

沁園春

贈鄭伯洪

谷口仙田瑤草誰栽山中子真向紫霞洞裏鑿開丹室  
素華臺上瞻望颺輪王子吹笙洪厓握手爛醉莖花萬  
樹春都休問蓬萊清淺天地氤氳 有時凜雪精神誦

藥笈丹書小篆文更佩聯明月劍寒秋水或笞鳶鳳或  
翳麒麟碧落空歌紫虛鬱秀徑挾飛仙拜玉宸天門近  
聽履聲直上高步星辰

滿江紅

天台道中

翠逼藍輿天台路樹迷烟際襟袖冷朔風初定露華才  
墜珠斗橫空孤嶂遠金波搖月寒潭碎問劉郎采藥遇  
仙知何地 終不負風雲志還有待江山意相瑣窻應  
念故人歸去翠羽梅花山下夢青山衫楓葉江頭淚算  
郵亭一曲好姻緣何時會

唐多令 雪

春近柳依依，天台客未<sub>音</sub>歸。任東陽減却腰圍。手撚梅花吟未了，驚眼底，雪花飛。相對兩忘機。青山陡覺非。想鵝池夜令難違。誰道子猷豪富甚，銀箬笠，玉蓑衣。

桂枝香

楊潤之得家書

霜凝翠閣，謾獨剪燈花，斜照羅幙。點檢芳心，舊事幾多成錯。清愁正爾，無聊賴、聽梅花數聲。殘角小，恁風細處，簷月轉，怎禁寥寞。嘆鬢底年華老，却問前度劉郎，何處重約。流水落花，別後幾番開落。吾廬三迳，歸來好任

緇塵暗迷京索，鳳臺人遠，鴈書頻寄。喜占烏鵲

洞仙歌 漫興

雲間倦翼向林邊，知倦迴首吾廬。夢中見霜催吟鬢，塵泥征衫，竟孤負清夜猿驚鶴怨。綈袍空敝，却歲月無情，贏得當時故人，戀謾索笑共怨。王孫看江北，江南幾迴青遍。

葯房樵唱卷之三

附錄

故處士吳公行述

本貫婺州路蘭谿州紫巖鄉石室里

曾祖 考應高  
祖 考治 考用中

妣張氏 妣王氏 妣温氏

先君諱景奎字文可姓吳氏世遠譜亡無從考有三府君始業其家采輶道間名炳者以進士為温州司法三府君逮先君十有七世墳墓具在司法則先君六世祖也先君生而茂歲尊老而慈幼期知名于世七歲力學

如成人年十三即以幹蠶自任有司用大家充鄉正鄉周百里戶口數千錢糧獄訟追亡一切以係于公者悉取寃于正正又出土產之物以供于上無休時性不喜輿馬春夏炎暑暴風雨秋冬霜雪噓手足皆身親臨之嘗夜行山徑中遇虎適有持梵具至者先君取鏡若鉞手槌擊之聲震崖谷虎乃驚逸及歸拜先大父床下平氣和色怡、如平常且戒左右毋得言恐傷老人心先是嘗德伯祖母黃有幼育恩黃歿逮成服先君當輸糧他郡啣哀致情特請于上官乃與寬五日期俾得成

服禮以成先君之志有 詔賜老人帛于鄉鄉胥曰先君幼弱不能制乃並緣為姦索錢老人先君覺之曰皇上厚恩賜帛而鄉胥索錢老人力白上官痛繩之無敢索錢者而鄉正多歛拘細民先君為之卒無所歛求樵夫野婦以手加額曰吳公為鄉正歲且得安矣先君雖幼外應王事內理產業糾纏紛羅雖家事益落而未嘗妄取於民于是先大父年六十三矣足迹未嘗一入公府得優游逸樂以終身者先君幹蠶之力也弟幼未有室先君教以成人且為謹擇良配卒振其家兄弟相

友愛至死無間言年三十會今海道萬戶劉公貞為粵  
部憲掾辟先君為從事明年劉公去先君亦歸伏田里  
後劉公為南行臺監察御史出按荆東西閩海三道道  
過里居特詢政瘼先君為言民事之未便公力行之民  
至今受其惠同時

得有施于時廼大昌於詩竟以窮愁終身嗚呼痛哉履  
年四十未嘗得一日之奉以負天地大恩窮泉陷地  
逆莫逃姑叙潛德萬一求立言君子圖不朽焉至正  
六年正月望日孤子履泣血謹狀

故處士吳君墓誌銘

并序

同郡吳生履喪其先君子之明年以書告予曰嗚呼吾  
父生不有祿位無以自見于世而宅心禔身殆無愧於  
古人然今不可復作矣遺言逸行久且泯滅不朽之託  
敢以屬於執事願務而賜之銘謹奉狀以請予按狀所  
述得君之為人學務篤實而不自矜術躬處窮約而無  
所怨尤庶几樂天知命之君子歿而無銘何以為勸顧  
雖衰退之餘久去筆硯而於履有斯文之雅誼不得辭  
乃為序而銘之君諱景奎字文可姓吳氏婺之蘭谿人

宋有三府君者譜軼其諱於君為十七世祖有諱炳者  
軋道間中進士舉温州司法參軍君之六世祖也魯祖  
諱應高祖諱治父諱用中世皆不顯君少力學期所知  
名見稱佳子弟年十三即代其父理家務時有司用大  
家充鄉正奉約束惟謹一毫不妄取細民性不喜輿馬  
日詣公府往數十里雖寒風暑雨不以為倦嘗夜行遇  
虎山徑中徑使勢兩相待適有荷梵具至者取其鏡鼓  
雜擊之聲震林谷且戒左右毋得書恐傷老人心於是  
其父年已高足跡未嘗至城府得優游以終老焉君幼

得伯祖母黃撫育之恩黃歿未成服而君當輸糧他郡  
期限峻迫不可一日緩君啣哀以白上官上官憐之特  
與寬五日期使得成服乃行弟幼未有立躬其勞而逸  
之于學既長為授室遂克有成終身友愛無間言其孝  
友天性然也君年壯時今海道萬戶劉公貞為浙東憲  
府掾辟君典文書明年劉公去君亦歸伏田里絕意于  
仕進久之用部使者薦署興化路儒學錄以母老辭不  
就後劉公為南宮行臺監察御史采按浙東西閩海三  
道道過里居詢以時政懇懇為劉公言多見于施行民

至今賴之御史同行者聽其議論敬嘆曰先生老成人  
言、為國古君子哉君和易平實退然自處不與犯者  
較而義之所在輒奮然勇為之有友人以家事托君于  
錢唐而宦閩中不久物故君為綜理其家使鬻曠廬以  
買因賣廬者求下其價以百緡私君君咲曰吾豈欺人  
弱子者哉且百緡誠予我我必歸鬻廬家耳錢唐市上  
人率輕薄嗜利聞其言無嘆服君平君厚于宗族個儻  
好施濟人之急雖過若不及至家不自給不以為悔而  
依隱玩世遂以終絕矣幸失德之事吾平生未嘗為死

固無所憾汝等惟篤于孝友以承先業吾日其瞑矣言  
訖奄然而逝實至正十五年二月五日享年六十有四  
以其年三月四日塋于向家嶺先墓之次君於書無所  
不讀天文地理星曆卜筮醫藥之術皆能貫通嘗摘諸  
子百氏精語為書曰諸家雅言尤善為詩有詩集曰葯  
房樵唱藏於家娶汪氏子二人長即履仙居縣儒學教  
諭次益孫男四人穎穉杼穰女四人銘曰不矯其為不  
競其馳不淪乎卑不抗乎危居之怡、行之熙、祇天  
之役與道為期我作銘詩以揚其輝以發其微以永其

垂前翰林學士侍講中奉大夫知制誥同脩國史同知經筵事黃潛撰

吳文可傳

天台張順祖纂

吳景奎字文可婺州蘭谿人七歲力學如成人恭謹無與比縣第其家鄉正號難為役景奎年十三奮曰吾親在奉公幹蠹職也何難為所居去縣二十里許每旦鷄鳴趨縣受約束莫歸奉旨甘已即考論經傳六藝矻不少休嘗獨行夜遇虎有持鉞鏡具來者急手取擊虎逸歸拜其親顏色衍々如平常戒左右勿言虎傷老人

心鄉父老曰吳君為鄉止家事益落而吾里社安矣嘗受育伯祖母黃黃歿及歛期景奎當輸糧外郡號泣不置官府義之為緩輸成服教其弟景叅底于成嘉事不失時終始友愛無間言初錢唐友人素與景奎好將宦閩南把其臂曰欲以家事托吳君也明年友人歿景奎親往候視恤其幼孤為鬻廬周食得廬翁以百金私之曰我欺人孤寡而私利其身圖則受而歸諸鬻廬家嘆曰吾懷知己之言不以生死背吾心也聞者感泣愈益慕其行平居樂易發言烝々似夫儒者至于義所在懷

憤激揚不少讓衣無完采出未嘗有騎意所之即徒步  
百里專趨人之急甚于己私鄉之儒先長老亦自以為  
行弗及也尤不樂仕進有以後時開之者辟為闕學官  
景奎不為起既而曰草木猶能庇其本根况人乎蓋有  
以庇吾邦也御史劉公貞素重景奎適行部至粵即往  
言曰公司邦憲以式諸侯敢以均賦勤君之執事昔先  
王則壤井野制民有經更勞均逸以待百事民知義所  
以奉公上而無有爭心今庀政者會民無藝貧受役也  
兼并或不以征家無蓋藏而用之日新何以庇民如履

畝平賦而休之是免吾民于度而公有大造于東也劉  
公悅屬淵東憲使董公守懋邁有司經保疆書土田形  
廣狹稽隱漏名甲乙于是野無游民官無逸征民親而  
事有叙君子謂景奎于是役也施而不費景奎晚歲益  
務博覽手抄五經字 確旁及史傳百氏靡不研極  
尤好論詩鈎取騷選粹辭奧語為書名諸家雅言其所  
自著曰葯房樵唱壽六十四至正十五年終於家  
張順祖曰余適荆楚浮江淮東歸吳越數從長詢民間  
政役或云藝號稱平均及余覲之信然彼公卿大夫立

經保民固無可言猶然無所施况閭巷之士志行無牽于物而言、為國義覃家邦豈非至難亦其遇知己然耳烏乎惜其居下所被不遐也且以吳君視之則凡士懷斯世不遇施設卒湮滅弗傳者何可勝道哉余具論之無亦使其久而不傳云

哀辭

金華葉儀述

文可婺之金華人也其先出自待制潘公默成先生為吳氏後氏因為吳家故豐于財良疇美宇咸有也文可為人慷慨行誼甚高不以財為意以故舊業日益落然

天性篤于誼未始用是而遇人不謹也嘗有所識以未遇而主文可者館穀之傾困弗惜也既而其人去志得一日邂逅見而問所欲言唯荅曰某獄有某者以冤繫事不白且庾死獄中志得而得於時者竟白其事而出之然文可與繫者實不相識繫者之出也亦不知為賴文可力持是以求文可之為人則余所不知者其率類是歟始文可盛年時嘗肆其力于學及壯頗有志于出仕覩于世非其志之所存歸隱田里取舊學時繹之發為詠歌詞句清麗有唐人之風素善書其隸草一法魏

晉近世以書成一家者不足多也其居距城六七里每風日好則步入城郭朋戚相邀致留或信宿意有不愜其歸亦不可留也余居窮巷文可未或鄙棄相遇則握手論文字日將中煮糲飯共食食必為之飽故與余交為甚懿至正十有五年春人有來自潁河之汪者謂文可之病革矣日欲往問之未克也其年二月五日竟以疾不起于家享年六十有四余哀文可壽不滿其德往哭之不知衣之濡也其子來言曰先人歿而子哭之哀交誼著矣為之辭庶有終始予辭弗獲遂叙其凡而辭

以繫之文可二子長履為校官次益皆能繼父業天之報文可意者其在茲乎辭曰

德之清兮澤綿々昭吳氏兮殆以賢累葉襲兮光蟬聯維文可兮時艱有義為質兮如淵泉觀物出兮物以全道弗古兮聿言旋指立樊兮尋舊編祖風人兮如千篇樂吾道兮細故捐跂鍾王兮實攻專妙墨落兮字書妍朝舉趾兮萬夫川夕息游兮宅一廛美人去兮榻以懸忽長逝兮吾潛然幸二子兮相後先理先廬兮力爾田言有文兮家學傳詒孫謀兮期十百年嗟文可兮無憾

于天

唐懷德

嗚呼文可遽至然乎嗟君之生稟質獨殊寡嗜野處唯書是劬其知者號之曰山澤之曜不知者祇日以眇小丈夫蓋學之通乎古則既不至於空疎才之適乎今又不若是之恠迂方在幼之岐嶷稱千古里之名駒暨乎幹父之蠱而信義有動于鄉閭唯吟咏乎情性樂終久而弗渝手抄口誦若恐不及獨潛味其甘腴發為篇章清新後邁蔽明月之玄珠使人把玩三復不舍而欲少

其遺餘然曾不霑曾參之祿奉毛義之書豈天將昌其詩而尼其富貴之途富貴縱不得之謂宜享期頤而安居胡造物之見苦僅中壽而云徂彼蒼々者曾不可問但撫事而嗟吁幸傳家之有子比徐卿之二雛或擊壤而歌耕鑿或垂紳而論唐虞徵仁者之有後覲冥數於乘除若是則文可亦無憾焉可以長卧于黃壚矣

范祖幹

吳君文可既卒且葬措紳先生文章鉅公或錫之銘或紀之傳或挽之以歌或哀之以辭而又叙之以文者可

謂具矣其文學行義之淑諸人傳諸後者亦昭々矣而  
凡與之游者亦可以無憾矣竊獨念世遠人亡交友道  
喪平居論議握手指天日誓不相背負一旦臨利害若  
毛髮即反眼不相識如韓公所云者比々是也求如吾  
文可之慷慨好義周人之急與友以信終始得喪不撓  
不回者幾何人哉幾何人哉余竒窮寡儔棲息樹下一  
二朋友好如文可之交既已先後遊去居閑處獨得文  
可時一來頷即陳說平生商畧文字以相慰藉於寂寥  
危苦之際不覺世故之忘鄙吝之消也今亦舍我而去

矣山空歲晚四顧躊躇每一永念能不涕泗之交頤廼  
為之辭以洩余之悲焉辭曰

嗟余生之寡偶兮其知我者為誰夜綿々其未旦兮紛  
敵面以相欺陳詩書以高論兮若古人之可期比利害  
之一髮兮即反眼而莫知文可之交以道兮斯々而  
敬之身退然如不勝衣兮內耿々而有為秉一節以蹈  
義兮恒不變于險夷顧吾力之得為兮雖倒廩而不辭  
彼淄々之夸毗兮曾市道之不如嗟先生之懿義兮實  
風教之所裨悵江空而歲晚兮顧獨立予疇依渺風塵

之四塞兮直後死之是危仰友道以策厲兮庶範之以  
自馳後百年于地下兮尚握手以同嬉俯抽辭以洩涕  
兮聊抒予之痛悲

蘇伯衡

吳先生質行君子也事父母孝撫妻子仁待朋友誠平  
居恂言不能出諸口見義勇為雖古烈丈夫莫能及  
鄉里多稱道之作詩駸盛唐人風致然貧賤終其身  
人不能無感焉歿之明年天台張順祖既為之傳伯衡  
以契家子知先生為深故著哀辭以遺其後而解其悲

云辭曰

至公無私豈非天與其予其奪一何偏與胡高位厚祿  
所宜厚者恒薄而宜嗇者獨不然與豈賢知之賦予出  
於天而富貴貧賤自有司其權者與將知愚貴賤得于  
此則失于彼而二者不能全與抑天人之間本邈乎其  
不相關也與烏乎君子如斯不顯自古如斯余于先生  
夫復何疑人之視之雖若不足而其自視豈不有餘飽  
乎仁義甘如五鼎服乎道德榮于七衣得于天而備于  
已者雖不獲措諸冢邦顧已刑于閨門而信于里閭陶

性情于吟詠壽且康兮又何悲

吳沉

至正十五年二月五日吳君文可卒沉既歿之慟復酬之以酒而哀之以辭辭曰

嗚呼文可非今世之人兮行古之道乃及窮其身兮有才不得用此志不伸兮悠々彼蒼曷其不仁兮

葯房樵唱附錄卷終

右葯房詩集三卷六世族祖文可先生所著也舊嘗板刻以行遭兵燹家莫之存禧嘗博訪廣詢而不得竊以為恨去歲之六月猶子芳聞靈湖郭汝涑氏家素蓄書而此集在焉乃扣而求之汝涑謂芳曰吾寶此集不輕以示人子必欲得之請錄以為

贈乃冒炎暑手自抄謄以歸諸  
芳噫汝涑其賢矣哉予得而閱  
之喜不自勝乃重加校正編次  
因復壽諸梓以永其傳云  
正德四年歲次己巳秋八月望  
賜進士工部營繕司員外郎六世

族孫吳禧謹識



